



Broj: 07-02-1552/26

Datum: 18.05.2026. godine

Na osnovu člana 38. Statuta Općine Sanski Most („Službeni glasnik Općine Sanski Most“, broj: 4/08, 5/08, 5/09, 2/10 i 9/11), Odluke vijeća („Službeni glasnik Općine Sanski Most“, broj: 4/26), na prijedlog komisije za sprovođenje prodaje motornih vozila koja više nisu u upotrebi, Općinski načelnik, objavljuje

JAVNI POZIV – OGLAS ZA LICITACIJU RASHODOVANIH SREDSTAVA – RABLJENIH MOTORNIH VOZILA KOJA VIŠE NISU U UPOTREBI

Predmet oglasa je prodaja rashodovanih sredstava – vozila koja više nisu u upotrebi u vlasništvu Općine Sanski Most (u daljem tekstu: Općina).

I PODACI O VOZILIMA

a) KIA 2.5 CRDI

- Broj šasijske: KNEJC524885824230
- Godina proizvodnje: 2008.
- Oblik karoserije: terensko vozilo
- Boja: crna
- Stanje vozila: nije u voznom stanju
- Početna prodajna cijena: **3.749,40 KM**

b) FORD 190

- Broj šasijske: WF0DXXGBVDED65663
- Godina proizvodnje: 1984.
- Stanje vozila: nije u voznom stanju
- Početna prodajna cijena: **minimalna cijena sekundarne sirovine od 0,30 KM/kg**

c) FAP B VP

- Broj šasijske: 77214.
- Godina proizvodnje: 1981.
- Stanje vozila: nije u voznom stanju
- Početna prodajna cijena: **minimalna cijena sekundarne sirovine od 0,30 KM/kg**

d) PEUGEOT PARTNER

- Broj šasijske: VF35FWJZE60208447
- Godina proizvodnje: 1999.
- Stanje vozila: nije u voznom stanju
- Početna prodajna cijena: **minimalna cijena sekundarne sirovine od 0,30 KM/kg**

II NAČIN PRODAJE

II.1. Prodaja vozila se vrši metodom javnog nadmetanja putem zatvorenih pisanih ponuda. Vozila se prodaju po načelu „**viđeno-kupljeno**“, što isključuje naknadne reklamacije i prigovore/žalbe po pitanju kvaliteta i eventualnih nedostataka.

II.2. Prilikom prodaje motornih vozila vršiti će se prodaja svih vozila pojedinačno ili u paketu.

II.3. Vozila se mogu pogledati na parkingu Općine Sanski Most, Trg Ljiljana broj 3 i parkingu Vatrogasnog doma, 79260, Sanski Most, u periodu od 19.05.2026. godine do 02.06.2026. godine u vremenu od 11:30 do 13:00 sati (radnim danima). Kontakt osoba je zaposlenik Općine Islamović Armin, tel. 037/685613, od koje osobe se mogu dobiti i sve dodatne informacije.

III PRAVO UČESTVOVANJA

III.1. Ugovor o prodaji vozila zaključit će se sa ponuđačem koji ponudi najvišu cijenu, uz ispunjavanje ostalih uslova iz javnog oglasa.

III.2. Pravo učestvovanja na javnom nadmetanju principom zatvorenih ponuda imaju domaća i strana pravna i fizička lica, osim uposlenika Općine i članova njihove uže porodice koja izvrše uplatu kaucije-jamčevine i to za svako vozilo posebno za koje se licitira u iznosu od 200,00KM.

III.3. Uplata kaucije-jamčevine vrši se na sljedeći način:

Primalac: Općina Sanski Most

Transakcijski račun broj: 3385402200036917

Poziv na broj: 0000000000

Svrha uplate: Javno nadmetanje licitacija uz obaveznu oznaku vozila ili staro željezo

Vrsta prihoda: 721239

Šifra općine: 076

Budžetska organizacija: 00000000

Uplate kaucije – jamčevine se moraju izvršiti najkasnije do 02.06.2025. godine.

Napomena: Uplata jamčevine smatra se prijavom na licitaciju, pristupanje licitaciji, te prihvatanje svih javno objavljenih uslova kupoprodaje.

IV DOSTAVLJANJE I SADRŽAJ PONUDE

IV.1. Ponude se dostavljaju u zatvorenoj koverti s naznakom „**NE OTVARAJ PONUDA-JAVNI OGLAS ZA LICITACIJU RABLJENIH MOTORNIH VOZILA**“, poštom ili neposredno na protokol Općine sa dokazom o izvršenoj uplati depozita, Trg Ljiljana 3, 79260, Sanski Most.

IV.2. Rok za dostavljanje ponuda je od 19.05.2026. godine do 02.06.2026. godine do 15:00 sati, uključujući i sve ponude upućene putem pošte, a pristigle do naznačenog datuma i vremena.

IV.3. Sve ponude pristigle poslije navedenog roka, bez obzira kad su poslane, kao i ponude sa ponuđenim iznosom manjim od utvrđene početne cijene, neće se uzimati u razmatranje.

IV.4. Ponuda treba da sadrži sljedeće elemente:

a) **Ako ponudu dostavlja fizička osoba:**

1. podatke o ponuditelju (ime i prezime, ime jednog roditelja),
2. adresa i kontakt telefon,
3. kopiju identifikacionog dokumenta (lična karta),
4. iznos ponude izražene u KM,
5. dokaz o uplati depozita,

b) **Ako ponudu dostavlja pravna osoba:**

1. naziv pravne osobe,
2. adresa i kontakt telefon,
3. ovjerenu kopiju Izvoda iz sudskog registra ne stariju duže od tri mjeseca od dana izdavanja (ovjerena od strane nadležnog organa)
4. iznos ponude izražene u KM,
5. dokaz o uplati depozita.

IV.5. Ponuda se dostavlja isključivo na Obrascu za cijenu ponude koji se može preuzeti na službenoj web stranici Općine Sanski Most, www.sanskimost.gov.ba i na protokolu Općine Sanski Most, Trg Ljiljana broj 3, 79260, Sanski Most.

IV.6. Napomena: **Ponuda mora biti potpisana od strane podnosioca, a ako je podnositelj pravno lice mora biti potpisana od strane ovlaštenog lica u pravnom licu i ovjerena pečatom tog pravnog lica.**

IV.7. Prihvatljivim se smatra svaka formalno ispravna ponuda čiji je iznos jednak ili veći od početne cijene za ponuđeno vozilo.

IV.8. Javno nadmetanje je punovažno i u slučaju da ponudu dostavi samo jedan prihvatljiv ponuditelj. Ukoliko ponuditelj ne dostavi bilo koji od traženih dokumenata ili ukoliko ponuda ne sadrži sve podatke, ili su isti nedovoljni za procjenu i analizu ponude, ista će biti odbačena kao nepotpuna.

IV.9. U slučaju odustajanja najpovoljnijeg ponuđača, najpovoljnijim ponuđačem smatrati se sljedeći najpovoljniji ponuđač koji je ponudio najvišu cijenu, uz uslov da prihvati najvišu ponuđenu cijenu prvog ponuđača;

IV.10. Licitacija je valjana i ako na njoj učestvuje samo jedna zainteresirana osoba.

V POSTUPAK LICITACIJE

- V. 1. Javno otvaranje ponuda održat će se u prostorijama Općine Sanski Most, Trg Ljiljana broj 3, u Sanskom Mostu, u prisutnosti ponuditelja (fizičkih lica ili ovlaštenih predstavnika pravnih lica) dana 04.06.2026.godine u 12:00 sati.
- V.2. Javnom nadmetanju može prisustvovati ovlaštena osoba pravnog lica/ponuditelja, ili fizičko lice/ponuditelj, uz prezentaciju ovlaštenja i identifikacijskog dokumenta. Prije otvaranja dostavljenih ponuda, javno se saopćavaju pravila javnog nadmetanja.
- V.3. Ponude koje ne ispunjavaju uvjete prihvatljivosti neće se razmatrati u daljnjem postupku licitacije.
- V.4. Predsjednik komisije pristupa otvaranju blagovremeno pristiglih ponuda, javno priopćava ponudene cijene, te utvrđuje listu ponuditelja, počevši od ponuditelja sa najvišom ponudenom cijenom.
- V.5. Ako se prijavi dva ili više ponuditelja s prihvatljivom i istom cijenom, koja je ujedno i najveća cijena ponude, predsjednik komisije će pozvati predstavnike ponuditelja da eventualno izvrše povećanje cijene javnim nadmetanjem. Najmanje povećanje ponudene cijene može biti po 50,00 KM. Ukoliko ponuditelji nisu prisutni i ne žele povećati cijenu javnim nadmetanjem, pobjednikom javnog nadmetanja će biti proglašen ponuditelj koji je ranije dostavio ponudu po datumu i vremenu prijemnog pečata Općine Sanski Most.
- V.6. Ako se na poziv prijavi samo jedan ponuditelj sa prihvatljivom ponudom komisija ga proglašava pobjednikom javnog nadmetanja-licitacije.
- V.7. Ponude koje ne sadrže uvjete prihvatljivosti neće se razmatrati u daljem postupku prodaje.
- V.8. Ponude ispod početne cijene neće biti uzete u razmatranje,
- V.9. Nakon zaključene licitacije, utvrđuje se lista ponuđača koji su ponudili cijenu iznad minimuma i konstatira se da je imovina prodana najpovoljnijem ponuđaču, odnosno ponuđaču koji je ponudio najvišu cijenu za navedeno motorno vozilo i koji je zadovoljio sve druge uslove licitacije.
- V.10. Zapisnik sa otvaranja ponuda potpisuju svi prisutni.
- V.11. Ponuđač ima pravo, u slučaju objektivnih i opravdanih razloga, povući ponudu pisanim putem, a obavijest o povlačenju ponude mora stići u prostorije Općine Sanski Most u istom roku u kojem je mogao dostaviti i ponudu, u suprotnom, nema pravo na povrat uplaćenog depozita.

VI OBAVEZE KUPCA

- VI.1. Ponuditelj, odnosno kupac, koji bude odabran kao najuspješniji, dužan je pristupiti zaključenju Ugovora o kupoprodaji u roku od 15 (petnaest) dana od dana zaključenja licitacije.
- VI.2. Kupac je dužan u roku od 15 dana od dana zaključenja kupoprodajnog ugovora platiti kupoprodajnu cijenu umanjenu za iznos jamčevine na žiro račun Budžeta Općine Sanski Most.
- VI.3. Kupac će uplatu izvršiti na sljedeći način: Račun Općine Sanski Most broj: 3385402200036917, „Kupovina vozila Općine Sanski Most marke, tip i opis“. Broj poreznog

obveznika: trinaesto cifreni ID broj pravne osobe, ukoliko uplatu vrši pravna osoba ili JMBG ukoliko uplatu vrši fizička osoba.

VI.4. Sve poreze i troškove oko prijenosa vlasništva, transporta, preregistracije, osiguranja i sl. snosi kupac.

VI.5. Primopredaja vozila izvršit će se odmah po predocanju dokaza o izvršenoj uplati kupoprodajne cijene, o čemu će se sačiniti zapisnik.

VI.6. Ukoliko kupac ne uplati utvrđeni iznos ili ne pristupi zaključenju ugovora o kupoprodaji u ostavljenom roku, smatrat će se kako je odustao od kupovine, a zaključenje ugovora o kupoprodaji će se ponuditi sljedećem najpovoljnijem ponuditelju. Uplaćena kaucija neće biti vraćena.

VII DODATNE INFORMACIJE

VII.1. Učesnicima u postupku javnog nadmetanja-licitacije čije ponude ne budu prihvaćene uplaćena kaucija bit će vraćena - 8 dana nakon završetka licitacije, dok će uplaćena kaucija najpovoljnijeg ponuditelja biti vraćena nakon predocanja dokaza o izvršenoj uplati punog iznosa ponuđene cijene i dokaza o izvršenom prijenosu vlasništva.

VII.2. Općina Sanski Most zadržava pravo da prihvati ili odbije ponude, obustavi ili poništi prodaju službenih motornih vozila po ovom oglasu u bilo kojoj fazi javne licitacije, sve do trenutka uplate kupoprodajne cijene.

VII.3. Javni poziv - Oglas o licitaciju objavit će na oglasnoj ploči Općine Sanski Most, službenoj web stranici Općine Sanski Most, RTV Sana, najkasnije 15 dana prije dana određenog za dan licitacije.



OPĆINSKI NAČELNIK

Mensur Seferović

OBRAZAC ZA CIJENU PONUDE

Ponuda za kupovinu vozila broj: _____

Marka vozila: _____

Naziv pravnog lica ili ime (ime jednog roditelja) i prezime fizičkog lica:

Adresa sjedišta/prebivališta:

Broj telefona: _____

ID BROJ (za pravnu osobu) ili JMB (za fizičku osobu)

Iznos ponude (u KM) : _____ KM

Slovima: _____ konvertibilnih maraka

Broj tekućeg računa i naziv banke (za fizička lica) ili broj poslovnog računa i naziv banke (za
pravna

lica): _____

POTPIS (i pečat za pravna lica):

Napomena:

Uz ponudu obvezno dostaviti:

- a) Za fizička lica – ovjerenu kopiju lične karte,
- b) Za pravna lica –kopiju izvoda iz sudskog registra ne stariju od tri mjeseca od datuma izdavanja izvoda ovjerenu od strane nadležnog tijela,
- c) kopija dokaza o uplaćenom depozitu